



IZVJEŠTAJ O FINANSIJSKOJ REVIZIJI

SUDSKE POLICIJE FEDERACIJE BOSNE I HERCEGOVINE

za 2016. godinu

Broj: 06-22/17

Sarajevo, maj 2017. godine

SADRŽAJ

I	MIŠLJENJE REVIZORA	1
1.	MIŠLJENJE O FINANSIJSKIM IZVJEŠTAJIMA	1
2.	MIŠLJENJE O USKLAĐENOSTI.....	2
II	KRITERIJI ZA REVIZIJU.....	3
III	IZVJEŠTAJ O REVIZIJI.....	4
1.	UVOD	4
2.	PREDMET, CILJ I OBIM REVIZIJE.....	4
3.	PRAĆENJE PRIMJENE PREPORUKA IZ PRETHODNIH REVIZIJA I ANALIZA PODUZETIH MJERA	5
4.	SISTEM INTERNIH KONTROLA	5
5.	PLANIRANJE, DONOŠENJE BUDŽETA I IZVJEŠTAVANJE	6
6.	FINANSIJSKI IZVJEŠTAJI	7
6.1	GODIŠNJI IZVJEŠTAJ O IZVRŠENJU BUDŽETA.....	7
6.1.1	Rashodi, izdaci i finansiranje.....	7
6.1.1.1	Plaće i naknade troškova uposlenih.....	7
6.1.1.2	Izdaci za materijal, sitan inventar i usluge.....	8
6.1.1.3	Tekući transferi i drugi tekući rashodi	9
6.2	BILANS STANJA.....	9
6.2.1	Gotovina, kratkoročna potraživanja, razgraničenja i zalihe.....	9
6.2.2	Stalna sredstva	9
6.2.3	Kratkoročne obaveze i razgraničenja.....	9
6.2.4	Popis sredstava i obaveza.....	10
7.	VANBILANSNA EVIDENCIJA	10
8.	JAVNE NABAVKE	10
IV	PRILOG GODIŠNJI FINANSIJSKI IZVJEŠTAJI.....	12
	<i>Godišnji izvještaj o izvršenju budžeta za 2016. godinu.....</i>	<i>13</i>
	<i>Bilans stanja na dan 31.12.2016. godine</i>	<i>16</i>

I MIŠLJENJE REVIZORA

Mišljenje revizora se daje na osnovu provedene finansijske revizije koja uključuje reviziju finansijskih izvještaja i reviziju usklađenosti aktivnosti, finansijskih transakcija i informacija iskazanih u finansijskim izvještajima sa zakonskim i ostalim propisima.

1. MIŠLJENJE O FINANSIJSKIM IZVJEŠTAJIMA

Uvod

Izvršili smo reviziju finansijskih izvještaja **Sudske policije Federacije Bosne i Hercegovine za 2016. godinu** koji obuhvataju Račun prihoda i rashoda, Bilans stanja, Izvještaj o kapitalnim izdacima i finansiranju, Posebne podatke o plaćama i broju zaposlenih, Godišnji izvještaja o izvršenju budžeta i Analizu izvršenja budžeta – tekstualni dio.

Odgovornost rukovodstva za finansijske izvještaje

Rukovodstvo **Sudske policije Federacije Bosne i Hercegovine** odgovorno je za izradu i fer prezentaciju finansijskih izvještaja u skladu sa prihvaćenim okvirom finansijskog izvještavanja, koji je definisan Zakonom o budžetima u FBiH, Zakonom o računovodstvu i reviziji FBiH, Uredbom o računovodstvu budžeta u FBiH, Pravilnikom o knjigovodstvu budžeta u FBiH i Pravilnikom o finansijskom izvještavanju i godišnjem obračunu budžeta u FBiH. Ova odgovornost podrazumijeva i kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja koji ne sadrže značajne pogrešne iskaze usljed prevare ili greške.

Odgovornost revizora

Naša je odgovornost da izrazimo mišljenje o finansijskim izvještajima na osnovu provedene revizije. Reviziju smo izvršili u skladu sa Zakonom o reviziji institucija u FBiH i primjenjivim Međunarodnim standardima vrhovnih revizorskih institucija (ISSAI 1000-1810). Ovi standardi zahtijevaju da postupamo u skladu sa etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijski izvještaji **Sudske policije Federacije Bosne i Hercegovine** ne sadrže značajne pogrešne iskaze usljed prevare i greške. Revizija uključuje obavljanje postupaka u cilju pribavljanja revizorskih dokaza o iznosima i objavama u finansijskim izvještajima. Izbor postupka je zasnovan na prosuđivanju revizora, uključujući procjenu rizika značajnog pogrešnog prikazivanja u finansijskim izvještajima usljed prevare ili greške. Prilikom procjene rizika, revizor razmatra interne kontrole koje su relevantne za pripremu i fer prezentaciju finansijskih izvještaja u cilju odabira revizorskih postupaka koji su odgovarajući u datim okolnostima, ali ne u svrhu izražavanja mišljenja o efikasnosti internih kontrola. Revizija uključuje ocjenu primijenjenih računovodstvenih politika i značajnih procjena izvršenih od strane rukovodstva, kao i ocjenu opće prezentacije finansijskih izvještaja. Revizor također ocjenjuje finansijsko upravljanje, funkciju interne revizije i sistem internih kontrola.

Vjerujemo da su revizorski dokazi koje smo pribavili dovoljni i odgovarajući da osiguraju osnov za naše mišljenje.

Pozitivno mišljenje

Prema našem mišljenju, finansijski izvještaji **Sudske policije Federacije Bosne i Hercegovine**, pokazuju fer i istinito, u svim materijalnim aspektima, stanje imovine, obaveza i izvora sredstava na dan 31.12.2016. godine, izvršenje budžeta za godinu koja se završava na navedeni datum, u skladu sa prihvaćenim okvirom finansijskog izvještavanja.

2. MIŠLJENJE O USKLAĐENOSTI

Uvod

Izvršili smo i **reviziju usklađenosti** aktivnosti, finansijskih transakcija i informacija iskazanih u finansijskim izvještajima **Sudske policije Federacije Bosne i Hercegovine za 2016. godinu** sa značajnim zakonima i drugim propisima.

Odgovornost rukovodstva za usklađenost

Pored odgovornosti za pripremu i fer prezentaciju finansijskih izvještaja, rukovodstvo **Sudske policije Federacije Bosne i Hercegovine** je takođe odgovorno da osigura da su aktivnosti, finansijske transakcije i informacije iskazane u finansijskim izvještajima u skladu sa propisima kojima su regulisane i potvrđuje da je tokom fiskalne godine osiguralo namjensku, svrsishodnu i zakonitu upotrebu sredstava odobrenih budžetom institucije za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

Odgovornost revizora

Reviziju usklađenosti smo izvršili u skladu sa Zakonom o reviziji institucija u FBiH i ISSAI 4000-Standard za reviziju usklađenosti¹. Pored gore navedene odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije iskazane u finansijskim izvještajima, u svim materijalnim aspektima, u skladu sa zakonima i drugim propisima kojima su regulisane. Ova odgovornost uključuje obavljanje procedura kako bi pribavili revizijske dokaze o tome da li je poslovanje **Sudske policije Federacije Bosne i Hercegovine** za 2016. godinu prema definisanim kriterijima, usklađeno sa zakonima i drugim propisima.

Vjerujemo da su revizorski dokazi koje smo pribavili dovoljni i odgovarajući da osiguraju osnov za naše mišljenje.

Pozitivno mišljenje

Prema našem mišljenju aktivnosti, finansijske transakcije i informacije prikazane u finansijskim izvještajima **Sudske policije Federacije Bosne i Hercegovine** za 2016 godinu u skladu su, u svim materijalnim aspektima, sa zakonima i drugim propisima kojima su regulisane.

Skretanje pažnje

Bez kvalifikacije na dato mišljenje o usklađenosti, skrećemo pažnju na sljedeće:

- **U pogledu povećanja plaća po osnovu minulog rada postoji zakonska neusaglašenost, a obzirom da je već pokrenut određeni broj tužbi protiv Sudske policije po ovom osnovu, neophodno je da Sudska policija, u saradnji sa relevantnim institucijama, pokrene aktivnosti na usaglašavanju propisa kako se ne bi i dalje pokretale tužbe, a samim tim i stvarali eventualni dodatni troškovi koji opterećuju Budžet (tačka 6.1.1.1. izvještaja).**

Sarajevo, 31.05.2017. godine

ZAMJENIK GENERALNOG REVIZORA
Dragan Kolobarić, dipl.oec.

GENERALNI REVIZOR
Dževad Nekić, dipl.oec.

¹ Novi ISSAI 4000 je usvojen u decembru 2016. godine i zamjenjuje ISSAI 4000, 4100 i 4200.

II KRITERIJI ZA REVIZIJU

Ured za reviziju institucija u Federaciji Bosne i Hercegovine u okviru finansijske revizije provodi, reviziju finansijskih izvještaja i reviziju usklađenosti. Revizija usklađenosti u okviru finansijske revizije podrazumijeva proces objektivnog prikupljanja i procjenjivanja dokaza kako bi se utvrdilo da li su dati predmet revizije, tj. finansijski izvještaji kao i aktivnosti, finansijske transakcije i informacije prikazane u finansijskim izvještajima usklađeni sa odgovarajućim kriterijima koji su sadržani u zakonima i drugim propisima. Kriteriji predstavljaju poredbene parametre koji se koriste kako bi se dala ocjena predmeta revizije.

Kriteriji za reviziju finansijskih izvještaja su sljedeći:

- Zakon o budžetima u FBiH;
 - Uredba o računovodstvu budžeta u FBiH;
 - Pravilnik o knjigovodstvu budžeta u FBiH;
 - Pravilnik o finansijskom izvještavanju i godišnjem obračunu budžeta u FBiH;
- Zakon o računovodstvu i reviziji FBiH;

Kriterij za reviziju usklađenosti su sljedeći:

- Zakon o budžetima u FBiH;
- Zakon o izvršenju Budžeta FBiH za 2016. godinu;
- Budžet FBiH za 2016. godinu;
- Zakon o trezoru u FBiH;
- Zakon o javnim nabavkama;
- Zakon o državnoj službi u FBiH;
- Zakon o namještencima u organima državne službe u FBiH;
- Zakon o plaćama i naknadama u organima vlasti FBiH;
- Zakon o porezu na dohodak;
- Zakon o doprinosima;
- Zakon o sudskoj policiji.

III IZVJEŠTAJ O REVIZIJI

1. UVOD

Sudska policija Federacije Bosne i Hercegovine (u daljem tekstu: Sudska policija) osnovana je na osnovu Zakona o sudskoj policiji². Navedenim Zakonom utvrđena su ovlaštenja Sudske policije, organizacija i sredstva za rad, prava i obaveze, radni odnosi i druga pitanja od značaja za organizaciju i rad Sudske policije. Sudska policija pomaže Ustavnom sudu FBiH, Vrhovnom sudu FBiH, Sudu za ljudska prava FBiH i sudovima u kantonu – županiji u osiguravanju informacija, u izvršavanju sudskih naredbi za prinudno dovođenja svjedoka, izvršavanju sudskih naredbi za dovođenje optuženih osoba, privođenju osuđenih osoba u organ za izvršenje sankcija po naredbi suda, održavanje reda u sudnici, sigurnosti sudaca i drugih uposlenika suda, sigurnosti sudske zgrade, te u izvršavanju drugih sudskih naloga. Administrativno – stručne, tehničke i materijalno – finansijske poslove za Sudsku policiju vrši Vrhovni sud FBiH. Sudska policija, svoja ovlaštenja utvrđena Ustavom FBiH i Zakonom o sudskoj policiji, vrši u odjeljenju sudske policije sudova Federacije i odjeljenjima sudske policije sudova u kantonima-županijama. Poslovi i zadaci iz nadležnosti Sudske policije vrše se u 11 odjeljenja sudske policije kao osnovnih organizacionih jedinica. Sredstva za rad Sudske policije osiguravaju se u budžetu Federacije.

Unutrašnja organizacija odjeljenja sudske policije uređuje se Pravilnikom o unutrašnjoj organizaciji na koji je Vlada FBiH dala saglasnost 23.05.2007. godine i koji je donio predsjednik Vrhovnog suda FBiH, kao i izmjenama i dopunama navedenog Pravilnika na koji je Vlada FBiH dala saglasnost 26.06.2014. godine.

Predsjednik Vrhovnog suda FBiH odgovoran je za upravljanje Sudskom policijom, a može poslove upravljanja Sudskom policijom povjeriti zapovjedniku odjeljenja sudske policije u skladu sa članom 4. Zakona o sudskoj policiji³.

Sudskom policijom upravlja glavni zapovjednik Edin Vehabović, imenovan 01.07.2007. godine od strane predsjednika Vrhovnog suda FBiH.

Pravilnikom o unutrašnjoj organizaciji Sudske policije sistematizovana su radna mjesta za 550 uposlenika, a na dan 31.12.2016. godine bilo je 514 uposlenih. Budžetom za 2016. godinu planirana su 533 uposlenika.

Sjedište Sudske policije je u Sarajevu, u ulici Valtera Perića broj 15.

2. PREDMET, CILJ I OBIM REVIZIJE

Predmet revizije su finansijski izvještaji Sudske policije za 2016. godinu i usklađenost aktivnosti, finansijskih transakcija i informacija iskazanih u finansijskim izvještajima sa značajnim zakonima i drugim propisima.

Cilj finansijske revizije je da na osnovu provedene revizije izrazi mišljenje da li su finansijski izvještaji pouzdani i da li bilansi u potpunosti odražavaju rezultate izvršenja budžeta. Revizijom će se procijeniti da li rukovodstvo institucije primjenjuje zakone i propise i koristi sredstva za odgovarajuće namjene, te ocijeniti finansijsko upravljanje, sistem internih kontrola i interne revizije.

Revizija je obavljena u skladu sa internim planskim dokumentima revizije, sa prekidima u periodu od januara 2017. godine do aprila 2017. godine.

S obzirom da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

²„Službene novine FBiH“, broj 19/96; 37/04

³„Službene novine FBiH“, broj 19/96; 37/04

3. PRAĆENJE PRIMJENE PREPORUKA IZ PRETHODNIH REVIZIJA I ANALIZA PODUZETIH MJERA

Ured za reviziju institucija u FBiH po treći put obavlja reviziju finansijskih izvještaja Sudske policije. U prethodnoj reviziji za 2006. godinu, dato je mišljenje s rezervom. Imajući u vidu značajan protok vremena i izmjenu zakonskih propisa na osnovu kojih su date preporuke, u obavljenoj finansijskoj reviziji za 2016. godinu, nismo procjenjivali postupanja po istima.

4. SISTEM INTERNIH KONTROLA

Sistem internih kontrola

Radi ostvarenja programskih ciljeva rada, menadžment je odgovoran za uspostavljanje funkcionalnog sistema interne kontrole u cilju ekonomičnog, efikasnog i efektivnog trošenja javnih sredstva. Faktor koji najviše utiče na funkcionalnost istog je povoljno kontrolno okruženje koje prvenstveno dolazi do izražaja kroz organizacionu strukturu, način rukovođenja i poštivanja postojećih zakonskih propisa. Sudska policija je usvojila značajan broj internih akata i procedura u cilju uspostavljanja sistema internih kontrola.

Predsjednik Vrhovnog suda FBiH donosi interne akte i procedure za rad Sudske policije i u njima povjerava obavljanje poslova Glavnom zapovjedniku Sudske policije FBiH (u nastavku: Glavni zapovjednik) i zapovjednicima Odjeljenja sudske policije.

Pravilnikom o unutrašnjoj organizaciji Sudske policije, uređuje se unutrašnja organizacija sudske policije i djelokrug organizacionih jedinica, rukovođenje, ovlaštenja u rukovođenju i odgovornosti za obavljanje poslova, kao i saradnja u vršenju poslova, te opis radnih mjesta uposlenika Sudske policije.

Pravilnikom o unutrašnjoj organizaciji Sudske policije, definisan je djelokrug rada Odjeljenja sudske policije sudova FBiH, kojim su, između ostalog, navedeni poslovi kontrole organizacionih jedinica i provođenje unutrašnjih istraga. Za obavljanje navedenih poslova, sistematizovana su tri radna mjesta koja obavljaju poslove unutrašnje kontrole u 11 odjeljenja u FBiH i to: šef unutrašnje kontrole i dva radna mjesta inspektora unutrašnje kontrole sudske policije, koja su i popunjena. U skladu sa navedenim opisom poslova, šef unutrašnje kontrole je sačinio godišnje i kvartalne planove vršenja unutrašnjih kontrola za 2016. godinu, sa utvrđenim zadacima vršenja kontrole, mjestom i vremenom izvršenja kontrole i ciljem vršenja kontrole. Uvidom u dokumentaciju konstatovano je da je Glavni zapovjednik izdavao naredbu uposlenicima unutrašnje kontrole Sudske policije FBiH da se izvrši ne najavljena unutrašnja kontrola u Odjeljenjima Sudske policije sudova FBiH/kantona. Nakon obavljene unutrašnje kontrole, sačinjeni su izvještaji u kojim je dato mišljenje o nalazima i prijedlozima unutrašnje kontrole. Isti su dostavljeni Glavnom zapovjedniku. Uvidom u dokumentaciju također je konstatovano da je, na osnovu Instrukcije o periodičnom izvještavanju u Sudskoj policiji FBiH⁴, sačinjen godišnji izvještaj o radu unutrašnje kontrole za 2016. godinu i dostavljen je Glavnom zapovjedniku, i isti čini sastavni dio izvještaja o radu Sudske policije za 2016. godinu.

Pravilnikom o unutrašnjoj organizaciji Sudske policije sistematizovano je radno mjesto Pomoćnika glavnog zapovjednika Sudske policije za administraciju i podršku u čijem opisu poslova je definisano da brine o nabavkama, te priprema odluke o nabavkama roba, usluga i izvođenju radova za potrebe Sudske policije, ali nisu definisani konkretni zadaci vezani za provođenje, praćenje i realizaciju postupaka nabavki. Za navedene poslove se imenuje Komisija za javne nabavke.

Pravilnikom o internoj kontroli – internim kontrolnim postupcima, donesenim 14.03.2006. godine, izvršena je procjena rizika za nabavku roba, usluga i ustupanje radova kao i ispunjenje zaključenih ugovora o nabavkama roba i usluga (visoki), a za ostale značajne poslovne aktivnosti nisu utvrđene procjene rizika niti je dat prijedlog mjera za otklanjanje neželjenih dešavanja. Pravilnikom je definisano da postupke nadgledanja zakonitosti i provođenja pisanih internih kontrolnih postupaka i procedura vrši grupa za unutrašnju kontrolu Sudske policije i komisija za utvrđivanje propusta, koje imenuje predsjednik Vrhovnog suda FBiH.

⁴ Instrukcija br. Su-sp-305/14 od 02.09.2014. godine

U skladu sa Zakonom o finansijskom upravljanju i kontroli u javnom sektoru u FBiH⁵ i Pravilnikom o provođenju finansijskog upravljanja i kontrole u javnom sektoru u FBiH⁶, a prema izjavama odgovorne osobe, poduzimaju se aktivnosti na donošenju navedenog Pravilnika kao i imenovanja koordinatora za finansijsko upravljanje i kontrolu.

Pravilnik o popisu imovine, potraživanja, zaliha i obaveza Sudske policije nije u potpunosti usklađen sa Zakonom o računovodstvu i reviziji u FBiH⁷ i Računovodstvenim politikama za federalne budžetske korisnike i trezor⁸. Predmetnim Pravilnikom nisu definisani rokovi za obavljanje popisa, kao ni način usklađivanja knjigovodstvenog stanja sa stvarnim stanjem. Rok za sačinjavanje Elaborata o popisu sa rekapitulacijom popisnih listi, koji je definisan Odlukom o redovnom godišnjem popisu za 2016. godinu i Rješenjem o imenovanju Komisije za popis, nije u skladu s članom 26. Zakona o računovodstvu i reviziji u FBiH.

Naši nalazi, vezano za sistem internih kontrola ukazuju da sistem internih kontrola u pojedinim slučajevima ne funkcioniše u potpunosti u dijelu obračuna poreza i doprinosa za rad radnih tijela.

Izjava o fiskalnoj odgovornosti za period 01.01.2016. godine do 31.12.2016. godine sačinjena je i dostavljena Federalnom ministarstvu finansija u skladu sa članom 2. i 6. Pravilnika o obliku i sadržaju načina popunjavanja i predaje izjave o fiskalnoj odgovornosti.

Interna revizija

Sudska policija nije u obavezi formirati Jedinicu interne revizije, već poslove interne revizije, za Sudsku policiju i Vrhovni sud FBiH, obavlja Jedinica interne revizije koja se formira u Vrhovnom sudu FBiH u skladu sa članom 9. Zakona o internoj reviziji u javnom sektoru u FBiH⁹ i članom 7. Pravilnika o kriterijima za uspostavu jedinice za internu reviziju u javnom sektoru u FBiH¹⁰. Iako su poduzimane aktivnosti u toku 2016. godine do okončanja revizije nije uspostavljena Jedinica interne revizije u Vrhovnom sudu FBiH.

Uvidom u Godišnji izvještaj interne revizije za Vrhovni sud FBiH i Sudsku policiju za 2016. godinu sačinjen od strane stručnog savjetnika – internog revizora Vrhovnog suda FBiH koji je dostavljen predsjedniku Vrhovnog suda FBiH i Centralnoj Harmonizacijskoj Jedinici dana 20.02.2017. godine, u istom je navedeno je da od ukupno tri planirane redovne revizije za Sudsku policiju prema Godišnjem planu za 2016. godinu, obavljena jedna redovna revizija kojoj su predmet revizije bile javne nabavke.

Preporuke:

- ***Pravilnikom o internim kontrolama jasno definisati sve značajne procese, definisati rizike i utvrditi kontrolne aktivnosti za iste, u cilju boljeg funkcionisanja sistema internih kontrola.***
- ***Uskladiti interni akt o popisu sa Zakonom o računovodstvu i reviziji u FBiH i Računovodstvenim politikama za federalne budžetske korisnike i trezor.***
- ***Poboljšati funkcionisanje sistema internih kontrola u dijelu obračuna poreza i doprinosa za rad radnih tijela u skladu sa Zakonom o porezu na dohodak.***

5. PLANIRANJE, DONOŠENJE BUDŽETA I IZVJEŠTAVANJE

Budžetom FBiH za 2016. godinu¹¹ Sudskoj policiji su odobrena sredstva u iznosu od 19.364.023 KM. Izmjenama i dopunama Budžeta FBiH za 2016. godinu¹² Budžet Sudske policije je smanjen na iznos od 19.048.747 KM. Na osnovu Zahtjeva za preraspodjelu sredstava Sudske policije od 08.08.2016. godine Federalno Ministarstvo finansija je Rješenjem od 16.08.2016. godine izvršilo unutrašnju preraspodjelu sredstava kojom su umanjeni izdaci za komunikacije i komunalne usluge (5.000 KM), izdaci za usluge prevoza i goriva (75.000 KM), unajmljivanje imovine i opreme (10.000 KM) i izdaci za tekuće održavanje (20.000 KM), a uvećava se nabavka materijala i sitnog inventara u iznosu od 110.000 KM.

⁵ „Službene novine FBiH“, broj 38/16

⁶ „Službene novine FBiH“, broj 06/17

⁷ „Službene novine FBiH“, broj 83/09

⁸ „Službene novine FBiH“, broj 58/16

⁹ „Službene novine FBiH“, broj 47/08; 101/06

¹⁰ „Službene novine FBiH“, broj 82/13;74/14

¹¹ „Službene novine FBiH“, broj 102/15

¹² „Službene novine FBiH“, broj 96/16

Na osnovu Plana i programa rada Sudske policije za period 2016. -2018. godina sačinjen je Plan i program rada za 2016. godinu, koji je dostavljen predsjedniku Vrhovnog suda FBiH i organizacionim jedinicama Sudske policije kao i Izvještaj o radu Sudske policije za 2016. godinu.

Godišnji finansijski izvještaj o izvršenju budžeta za 2016. godinu sa zabilješkama, Sudska policija je sačinila i dostavila nadležnim organima i institucijama u skladu sa važećim propisima i u utvrđenom roku.

6. FINANSIJSKI IZVJEŠTAJI

6.1 GODIŠNJI IZVJEŠTAJ O IZVRŠENJU BUDŽETA

6.1.1 Rashodi, izdaci i finansiranje

U Godišnjem izvještaju o izvršenju budžeta za 2016. godinu, iskazani su rashodi i izdaci u iznosu od 18.580.440 KM, što u odnosu na operativni budžet 18.898.747 KM predstavlja ostvarenje od 98,3%.

Struktura rashoda i izdataka iskazana u finansijskim izvještajima je sljedeća: izdaci za plaće i naknade troškova zaposlenih 14.089.101 KM, doprinosi poslodavca i ostali doprinosi 2.054.959 KM, izdaci za materijal, sitan inventar i usluge 1.815.697 KM i drugi tekući rashodi 620.683 KM.

Pregled izvršenja budžeta dat je u Prilogu IV. Godišnji finansijski izvještaji.

6.1.1.1 Plaće i naknade troškova uposlenih

Bruto plaće i naknade plaća sa 31.12.2016. godine iskazani su u iznosu od 12.295.278 KM, a isti su u odnosu na prethodnu godinu manji za 62.549 KM. Prezentiran je izvještaj o fluktuaciji uposlenih tokom 2016. godine, tako da je za sedam uposlenih prestao radni odnos (četiri uposlenika zbog odlaska u penziju a tri sporazumnim prekidom radnog odnosa), s tim da nije bilo zasnivanja novih radnih odnosa.

Odredbama člana 6. Zakona o plaćama i naknadama u organima vlasti FBiH¹³ propisano je da se osnovna plaća utvrđuje množenjem osnovice plaće iz člana 5. navedenog Zakona sa utvrđenim koeficijentom platnog razreza i tako utvrđeni iznos se uvećava za 0,5% za svaku započetu godinu penzionog staža, a najviše do 20%. Navedeni način obračuna propisuje i član 25. Kolektivnog ugovora za službenike organa uprave i sudske vlasti u FBiH¹⁴. Izmjenama i dopunama Kolektivnog ugovora za službenike organa uprave i sudske vlasti u FBiH¹⁵ utvrđeno je uvećanje plaće za iznos od 0,4-0,6% za svaku godinu staža osiguranja, s tim da ukupno povećanje plaće po ovom osnovu ne može biti veće od 20%. Članom 13. prethodnog Općeg kolektivnog ugovora za teritoriju FBiH¹⁶ utvrđeno je da se osnovna plaća uvećava za svaku godinu radnog staža kod poslodavca za 0,6% s tim da ukupno uvećanje ne može biti veće od 20%, a po novom Općem kolektivnom ugovoru za teritoriju FBiH¹⁷ osnovna plaća se povećava za 0,4% za svaku godinu radnog staža bez ograničenja ukupnog uvećanja plaća. Pravilnik o plaćama i naknadama službenika Sudske policije koji je usklađen sa Zakonom o plaćama i naknadama u organima vlasti FBiH, definiše da se osnovna plaća uvećava za 0,5% za svaku započetu godinu penzionog staža službenika Sudske policije, a najviše do 20%. Odlukom o utvrđivanju poslova na kojima se staž osiguranja računa u uvećanom trajanju i stepen uvećanja staža osiguranja u federalnim ustanovama za izvršenje kazne zatvora, Sudskoj policiji i Federalnom ministarstvu pravde¹⁸ utvrđeno je pravo na staž osiguranja u uvećanom trajanju (benificirani staž) na način da se 12 mjeseci efektivnog staža računa kao 16 mjeseci penzionog staža osiguranja. Uvidom u dokumentaciju utvrđen je određeni broj tužbi od strane uposlenika koji su tužili Sudsku policiju zbog obračuna plaće po osnovu minulog rada u iznosu 0,5%, obzirom da im se minuli rad nije obračunavao na benificirani staž (četiri mjeseca) već za svaku započetu godinu radnog staža, što je detaljnije pojašnjeno u tački 7. Izvještaja - Vanbilansna evidencija. Prema dobivenim informacijama Sudska policija se u nekoliko navrata obraćala

¹³ „Službene novine FBiH“ broj 45/10, 112/12 i 20/17

¹⁴ „Službene novine FBiH“ broj 23/00, 50/00,97/13

¹⁵ „Službene novine FBiH“ broj 89/16

¹⁶ „Službene novine FBiH“ broj 54/05 i 62/08

¹⁷ „Službene novine FBiH“ broj 48/16 i 62/16

¹⁸ „Službene novine FBiH“ broj 62/11

nadležnim institucijama za rješavanje usaglašenosti propisa kojima su regulisana prava na plaće i naknade. Ali, prema izjavama odgovorne osobe nisu dobivene povratne informacije o navedenom.

Evidentno je da postoji zakonska neusaglašenost u pogledu povećanja plaća po osnovu minulog rada, obzirom da se Općim kolektivnim ugovorom uvećanje plaće po osnovu minulog rada vrši za svaku godinu radnog staža, a prema Kolektivnom ugovoru za službenike organa uprave i sudske vlasti u FBiH i Zakonu o plaćama i naknadama u organima vlasti FBiH plaće se uvećavaju za svaku godinu penzionog staža.

Uvidom u dokumentaciju konstatovano je da se u skladu sa uputama sa sastanka održanog u Federalnom ministarstvu pravde 18.01.2012. godine, i dalje vršilo ručno preračunavanje dijela koji se odnosi na naknade za prekovremeni rad, rad u neradne dane, noćni rad i rad u dane državnih praznika, na način da se umanjene više obračunatog iznosa po osnovu navedenih obračuna u tekućem mjesecu prikazuje u narednom mjesecu za prethodni mjesec. Isto se javlja zbog nedostatka podrške informatičkog sistema obračuna plaća, jer je prilikom obračunavanja naknade za noćni rad Sudske policije uključen i dodatak na plaću po osnovu posebnih uslova rada iz člana 23. Zakona o plaćama i naknadama u organima vlasti FBiH¹⁹, što nije u skladu sa članom 24. navedenog Zakona gdje je utvrđeno pravo naknade za prekovremeni rad, rad u neradne dane, noćni rad i rad u dane državnih praznika na osnovnu plaću. U toku 2016. godine izvršena je navedena korekcija po osnovu obračuna naknade za noćni rad u iznosu 61.330 KM. Na osnovu dostavljene dokumentacije konstatovano je da su u toku sistemski informatička rješavanja navedenog problema u vezi ručnog načina korekcija koja se rade za obračun noćnog rada, prekovremenog rada, rada u neradne dane i rada u državne praznike.

6.1.1.2 Izdaci za materijal, sitan inventar i usluge

Izdaci za ugovorene i druge posebne usluge iskazani su u iznosu od 844.334 KM. Strukturu navedenih izdataka čine: zatezne kamate 476.593 KM, troškovi spora 115.442 KM, izdaci za rad komisija 17.940 KM kao i ostale ugovorene i druge posebne usluge. Predsjednik Vrhovnog suda FBiH i Glavni zapovjednik su tokom 2016. godine formirali komisije za obavljanje poslova u Sudskoj policiji (Prvostepena disciplinska komisija, Drugostepena disciplinska komisija, Komisija za dodjelu činova, Komisija za obračun i isplatu potraživanja po osnovu sudskih presuda, Komisija za javne nabavke). Naknade za rad članovima navedenih komisija obračunavane su na osnovu Uredbe o načinu osnivanja i utvrđivanja visine naknade za rad radnih tijela osnovanih od strane Vlade FBiH i rukovodilaca federalnih organa državne službe. Uvidom u obračun i uplatu doprinosa i poreza na dohodak za isplaćene naknade za rad u komisijama konstatovali smo da je Sudska policija obračunavala tri vrste doprinosa (za zdravstveno osiguranje, za PIO/MIO i posebna naknada za zaštitu od prirodnih i drugih nesreća) i porez na dohodak. Imajući u vidu da se naknade koje poslodavac isplaćuje uposleniku za njegovo angažovanje u raznim komisijama vezanim za radni ciklus, bilo da se radi o izvršavanju u radno vrijeme ili izvan radnog vremena, smatraju oporezivim prihodom po osnovu nesamostalne djelatnosti iz člana 10. stav 2. tačka 4. Zakona o porezu na dohodak, radi čega se kao takvi trebaju oporezivati na način propisan članom 27. navedenog Zakona tj. kao sastavni dio plaće. Konstatujemo da je Sudska policija FBiH u toku 2016. godine po navedenom osnovu obračunala i izvršila uplatu manjeg iznosa za navedene doprinose nego što je to propisano važećim zakonskim propisima. Ukupni izdaci za rad u navedenim komisijama iskazani su u neto iznosu od 5.260 KM (s porezima i doprinosima 6.435 KM).

Mišljenja smo da za navedene komisije obračun poreza i doprinosa nije vršen u skladu sa članom 27. Zakona o porezu na dohodak.

Provedenom revizijom utvrđeno je da u nekim slučajevima nisu poštovane odredbe Uredbe o načinu osnivanja i utvrđivanja visine naknade za rad radnih tijela osnovanih od strane Vlade FBiH i rukovodilaca federalnih organa, u dijelu koji se odnosi na obavezne podatke koji treba da sadrže izvještaji o radu komisija (podatke o broju i vremenu održavanja sjednica/sastanaka komisija, kao i podatke o broju i vremenu prekovremenih sati).

¹⁹ „Službene novine FBiH“ broj 45/10, 112/12 i 20/17

Preporuke:

- **Obračun pripadajućih poreza i doprinosa na naknade za rad u komisijama vršiti u skladu sa važećim zakonskim i ostalim važećim propisima.**
- **Potrebno je da se komisije prilikom sačinjavanja izvještaja o radu pridržavaju odredbi Uredbe o načinu osnivanja i utvrđivanja visine naknade za rad radnih tijela osnovanih od strane Vlade FBiH i rukovodilaca federalnih organa.**

6.1.1.3 Tekući transferi i drugi tekući rashodi

Drugi tekući rashodi iskazani su u iznosu 620.684 KM. Realizacija drugih tekućih rashoda odnosi se na isplatu izvršnih sudskih presuda po osnovu neisplaćenih plaća i naknada koje nemaju karakter plaća (glavnice), isplaćenih u tri kvartala 2016. godine, prema instrukcijama Federalnog ministarstva finansija i raspoloživim sredstvima u budžetu.

Na ime sudskih presuda u 2016. godini isplaćeno je 1.372.759 KM (glavnice – razlike plaća i naknada koje nemaju karakter plaća 620.684 KM, zateznih kamata 476.593 KM, troškova spora 115.442 KM i troškova advokata 160.040 KM).

6.2 BILANS STANJA**6.2.1 Gotovina, kratkoročna potraživanja, razgraničenja i zalihe**

Gotovina, na kraju fiskalne godine, iznosila je 1.063 KM i u cijelosti se odnosi na gotovinska sredstva u blagajni.

Kratkoročna potraživanja iskazana su u iznosu od 84.390 KM. Iskazana potraživanja najvećim dijelom odnose se na potraživanja od nadležnih zavoda za zdravstveno osiguranje za refundaciju naknade plaća za vrijeme bolovanja dužem od 42 dana, u iznosu od 84.042 KM.

Kratkoročni plasmani iskazani su u iznosu od 899.510 KM i odnose se na potraživanja od Hercegovačke Banke d.d. po osnovu novčanih sredstava na transakcijskom računu kod Hercegovačke Banke d.d.

Kratkoročna razgraničenja iskazana su u iznosu od 50.023 KM. Iskazana kratkoročna razgraničenja najvećim dijelom se odnose na unaprijed plaćene rashode budućeg perioda po osnovu osiguranja službenih vozila u iznosu od 49.573 KM.

6.2.2 Stalna sredstva

U finansijskim izvještajima Sudske policije na dan 31.12.2016. godine iskazanu su stalna sredstva nabavne vrijednosti 9.621.320 KM, ispravke vrijednosti 8.778.004 KM i sadašnje vrijednosti od 843.316 KM. Na dan 31.12.2016. godine izvršeno je usklađivanje knjigovodstvenog sa stvarnim stanjem stalnih sredstava.

6.2.3 Kratkoročne obaveze i razgraničenja

Kratkoročne obaveze i razgraničenja iskazane su u iznosu 1.733.837 KM. U odnosu na prethodnu godinu veće su za 162.720 KM ili 10,4% što je najvećim dijelom posljedica povećanja obaveza prema dobavljačima uslijed većeg broja javnih nabavki koje su provedene krajem 2016. godine.

Struktura iskazanih kratkoročnih obaveza i razgraničenja je sljedeća: obaveze prema uposlenicima po osnovu plaće za decembar 2016. godine 1.329.782 KM, obaveze prema dobavljačima 360.994 KM, obaveze za naknade fizičkim licima uključujući poreze i doprinose 29.370 KM (obaveze za rad u komisijama, obaveze po osnovu naknada uposlenicima na ime pomoći u slučaju bolesti ili smrti člana uže porodice).

Uvidom u Glavnu knjigu konstatovano je da su Obaveze po osnovu pravosnažnih sudskih presuda i izvršnih rješenja na dan 31.12.2016. godine iskazane u iznosu 4.687.636 KM (odnose se na osnovna potraživanja 2.288.004 KM, na kamate na osnovna potraživanja 1.055.098 KM, troškove spora 1.091.555 KM i kamate na troškove spora 252.979 KM) prema Instrukciji Federalnog ministarstva finansija o načinu evidentiranja obaveza po pravosnažnim presudama i sudskim izvršnim rješenjima u Glavnoj knjizi trezora, što se odrazilo na ne evidentiranje u finansijskim izvještajima navedenih obaveza. U obrazloženju tekstualnog

dijela uz godišnje izvještaje za 2016. godinu, navodi se da obaveze po izvršnim sudskim presudama na kraju 2016. godine iznose 4.687.636 KM.

6.2.4 Popis sredstava i obaveza

Glavni zapovjednik donio je Odluku o redovnom godišnjem popisu za 2016. godinu dana 29.11.2016. godine. Popis imovine i obaveza sa stanjem na dan 31.12.2016. godine obavljen je u skladu sa Pravilnikom o popisu imovine, potraživanja, zaliha i obaveza Sudske policije.

Centralna komisija za popis je, nakon završetka popisa, sačinila zbirni izvještaj o izvršenom redovnom popisu sa stanjem na dan 31.12.2016. godine, kojeg je Glavni zapovjednik usvojio 25.01.2017. godine.

Za predsjednika i člana Centralne komisije za popis imenovane su uposlenice Odsjeka za finansijske i računovodstvene poslove Vrhovnog suda FBiH, zadužene za poslove obračuna plaća. Navedeno nije u skladu sa članom 25. Zakona o računovodstvu i reviziji u FBiH²⁰ i članom 68. Pravilnika o knjigovodstvu budžeta²¹, koje nalažu da članovima popisnih komisija ne mogu biti osobe koje su materijalno ili finansijski zadužene za sredstva koja se popisuju, kao ni njihovi neposredni rukovodioci.

U zbirnom izvještaju o izvršenom redovnom popisu Sudske policije obaveze prema dobavljačima u iznosu 360.994 KM preuzete su iz knjigovodstvene evidencije. Popisna komisija nije sačinila analitički pregled obaveza pojedinačno po svim dobavljačima prema kojima nisu izmirene obaveze na dan 31.12.2016. godine. Međutim, analizom prikupljenih konfirmacija dobavljača na dan 31.12.2016. godine iskazano knjigovodstveno stanje odgovara stvarnom stanju obaveza prema dobavljačima.

Preporuka:

- ***Osigurati analitički pregled obaveza i imenovanje komisije u skladu sa Zakonom o računovodstvu i reviziji u FBiH, Uredbom o računovodstvu budžeta u FBiH i Pravilnikom o knjigovodstvu budžeta u FBiH.***

7. VANBILANSNA EVIDENCIJA

U vanbilansnoj evidenciji na dan 31.12.2016. godine iskazane su potencijalne obaveze po nepravosnažnim sudskim sporovima iz radnog odnosa koji su u toku (razlike plaća, naknade koje nemaju karakter plaća) u iznosu od 2.600.000 KM, što je u odnosu na prošlu godinu manje za 2.160.000 KM.

Na osnovu dobivenih informacija u vanbilansnoj evidenciji vode se nepravosnažne sudske presude po osnovu potraživanja naknada za minuli rad (ukupno šest podnesenih tužbi u kojima visina tužbenog zahtjeva iznosi oko 3.000 KM po jednom predmetu). Od navedenih šest predmeta za minuli rad, za jedan je povučen tužbeni zahtjev, za drugi je tužbeni zahtjev odbijen a za četiri predmeta u prvom stepenu presuđeno je u korist tužitelja na koje je uložena žalba i čeka se odluka drugostepenog organa.

8. JAVNE NABAVKE

Sudska policija je donijela Plan javnih nabavki za 2016. godinu dana 10.02.2016. godine. Izmjena Plana javnih nabavki za 2016. godinu urađena je 25.08.2016. godine, te dvije dopune 03.11.2016. godine i 16.12.2016. godine. Do izmjene Plana javnih nabavki je došlo uslijed izmjene procijenjene vrijednosti za određene postupke javnih nabavki.

Glavni zapovjednik Sudske policije je Rješenjima o imenovanju tokom 2016. godine formirao 15 komisija za provođenje postupaka javnih nabavki, od čega su 4 komisije uz naknadu za rad.

U Izvještaju o planiranim i provedenim postupcima javnih nabavki za 2016. godinu navedeno je da je Sudska policija zaključila 51 ugovor u ukupnoj vrijednosti 1.821.989 KM. Pregled po vrstama provedenih postupaka za nabavku roba i usluga dat je u sljedećoj tabeli:

²⁰ „Službene novine FBiH“ broj 83/09

²¹ „Službene novine FBiH“ broj 60/14

Redni broj	Vrsta postupka	Broj provedenih postupaka	Vrijednost ugovora u KM (neto)	Učešće u vrijednosti Ugovora (%)
1.	Otvoreni postupak	9	1.710.970	93,9%
2.	Konkurentski zahtjev	4	80.728	4,4%
3.	Direktni sporazum	38	30.290	1,7%
	Ukupno	51	1.821.989	100,0%

Revizorski tim izvršio je uvid u 21 postupak ukupne vrijednosti 1.676.557 KM. U provedbi odabranih postupaka i procedura javnih nabavki nisu uočene nepravilnosti.

9. KOMENTAR

Sudska policija Federacije BiH se u ostavljenom roku očitovala dopisom broj: Sp-01-1987-6/16 od 31.05.2017. godine na dostavljeni Nacrt izvještaja o provedenoj finansijskoj reviziji Sudske policije Federacije BiH za 2016. godinu. U očitovanju je dat komentar po tački 6.1.1.2., u dijelu obračuna poreza i doprinosa na obračunate i isplaćene naknade za rad u komisijama, koji se ne može prihvatiti. Ostale preporuke navedene u Nacrtu izvještaja, Sudska policija je uvažila u potpunosti i postupat će u narednom periodu u skladu sa istim.

**Rukovodilac Sektora
za finansijsku reviziju**

Mirsada Janjoš, dipl. oec.

**Nadležni
rukovodilac**

Dunja Logo, dipl.oec.

**Tim
za reviziju:**

Meliha Baručija, dipl.oec- vođa tima

Marijana Miličević, dipl.oec-član tima

**IV PRILOG
GODIŠNJI FINANSIJSKI IZVJEŠTAJI**



Godišnji izvještaj o izvršenju budžeta za 2016. godinu					
Naziv institucije: Sudska policija FBiH					
Opis	Planirano	Ostvareno		Odstupanje (3-2)	Procenat (3/2x100)
		U tekućoj godini	U prethodnoj godini		
1	2	3	4	5	6
I. PRIHODI (od 1 do 16)					
PRIHODI OD POREZA (1+2+3+4+5+6+7+8)					
1. Porez na dobit pojedinca i preduzeća	-	-	-	-	-
Porezi na dobit pojedinaca (zaostale uplate poreza)	-	-	-	-	-
Porezi na dobit preduzeća	-	-	-	-	-
Porez na dobit banaka i drugih finansijskih organizacija i društava za osiguranje i reosiguranje imovine i lica, pravnih lica iz oblasti elektroprivrede, pošte i telekomunikacija i pravnih lica iz oblasti igara na sreću i ostalih preduzeća	-	-	-	-	-
2. Doprinosi za socijalnu zaštitu	-	-	-	-	-
3. Porezi na plaću i radnu snagu	-	-	-	-	-
4. Porez na imovinu	-	-	-	-	-
5. Domaći porezi na dobra i usluge	-	-	-	-	-
6. Porez na dohodak	-	-	-	-	-
7. Prihodi od indirektnih poreza	-	-	-	-	-
8. Ostali porezi	-	-	-	-	-
NEPOREZNI PRIHODI (9+10)					
9. Prihodi od poduzetničkih aktivnosti i imovine i prihodi od pozitivnih kursnih razlika	-	-	-	-	-
Prihodi od nefinansijskih javnih preduzeća i finansijskih javnih institucija	-	-	-	-	-
Ostali prihodi od imovine	-	-	-	-	-
Kamate i dividende primljene od pozajmica i učešća u kapitalu	-	-	-	-	-
Naknade primljene od pozajmica i učešća u kapitalu	-	-	-	-	-
Prihodi od pozitivnih kursnih razlika	-	-	-	-	-
Prihodi od privatizacije	-	-	-	-	-
Prihodi po osnovu premije i provizije za izdatu garanciju	-	-	-	-	-
10. Naknade, takse i prihodi od pružanja javnih usluga, kazne i drugi prihodi	-	-	-	-	-
Administrativne takse	-	-	-	-	-
Sudske takse	-	-	-	-	-
Komunalne naknade i takse	-	-	-	-	-
Ostale budžetske naknade i takse	-	-	-	-	-
Naknade i takse po federalnim zakonima i drugim propisima	-	-	-	-	-
Prihodi od pružanja javnih usluga (prihodi od vlastitih djelatnosti korisnika budžeta i vlastiti prihodi)	-	-	-	-	-
Neplanirane uplate –prihodi	-	-	-	-	-
Novčane kazne	-	-	-	-	-
Drugi tekući prihodi	-	-	-	-	-
PRIMLJENI TRANSFERI I DONACIJE (od 11 do 16)					
11. Primljeni tekući transferi od inostranih vlada i međunarodnih organizacija	-	-	-	-	-
12. Primljeni tekući transferi od ostalih nivoa vlasti	-	-	-	-	-
13. Primljeni kapitalni transferi od inostranih vlada	-	-	-	-	-
14. Kapitalni transferi od ostalih nivoa vlasti i fondova	-	-	-	-	-
15. Kapitalni transferi iz nevladinih izvora	-	-	-	-	-
16. Donacije	-	-	-	-	-
II. RASHODI (od 1 do 7)	18.898.747	18.580.440	17.076.911	-318.307	98,3%



1.	Plaće i naknade troškova zaposlenih	14.320.995	14.089.101	14.093.595	-231.894	98,4%
	Bruto plaće i naknade plaća	12.499.015	12.295.278	12.357.827	-203.737	98,4%
	Naknade troškova zaposlenih	1.821.980	1.793.823	1.735.768	-28.157	98,5%
2.	Doprinosi poslodavca i ostali doprinosi	2.062.337	2.054.959	2.027.210	-7.378	99,6%
3.	Izdaci za materijal, sitan inventar i usluge	1.891.137	1.815.697	956.106	-75.440	96,0%
	Putni troškovi	65.000	64.946	56.231	-54	99,9%
	Izdaci za energiju	21.000	16.749	15.273	-4.251	0,0%
	Izdaci za komunikaciju i komunalne usluge	55.000	44.658	48.940	-10.342	81,2%
	Nabavka materijala i sitnog inventara	330.000	327.911	208.037	-2.089	99,4%
	Izdaci za usluge prevoza i goriva	230.000	203.355	234.583	-26.645	88,4%
	Unajmljivanje imovine, opreme i nematerijalne imovine	7.000	3.046	3.838	-3.954	0,0%
	Izdaci za tekuće održavanje	195.000	187.077	175.420	-7.923	95,9%
	Izdaci osiguranja, bankarskih usluga i usluga platnog prometa	138.000	123.621	129.265	-14.379	89,6%
	Ugovorene i druge posebne usluge	850.137	844.334	84.519	-5.803	99,3%
4.	Tekući transferi i drugi tekući rashodi	624.278	620.683	-	-3.595	99,4%
	Tekući transferi drugim nivoima vlasti	-	-	-	-	-
	Tekući transferi pojedincima	-	-	-	-	-
	Tekući transferi neprofitnim organizacijama	-	-	-	-	-
	Subvencije javnim preduzećima	-	-	-	-	-
	Subvencije privatnim preduzećima i poduzetnicima	-	-	-	-	-
	Subvencije finansijskim institucijama	-	-	-	-	-
	Tekući transferi u inostranstvo	-	-	-	-	-
	Drugi tekući rashodi	624.278	620.683	-	-3.595	99,4%
5.	Kapitalni transferi	-	-	-	-	-
	Kapitalni transferi drugim nivoima vlasti	-	-	-	-	-
	Kapitalni transferi pojedincima	-	-	-	-	-
	Kapitalni transferi neprofitnim organizacijama	-	-	-	-	-
	Kapitalni transferi javnim preduzećima	-	-	-	-	-
	Kapitalni transferi privatnim pred. i poduzetnicima	-	-	-	-	-
	Kapitalni transferi finansijskim institucijama	-	-	-	-	-
	Kapitalni transferi u inostranstvo	-	-	-	-	-
6.	Izdaci za kamate	-	-	-	-	-
	Kamate na pozajmice primljene kroz Državu	-	-	-	-	-
	Izdaci za inostrane kamate	-	-	-	-	-
	Kamate na domaće pozajmljivanje	-	-	-	-	-
	Izdaci za kamate vezane za dug po izdanim garancijama	-	-	-	-	-
7.	Tekuća budžetska rezerva	-	-	-	-	-
	TEKUĆI SUFICIT (TEKUĆI DEFICIT) (I-II)	-18.898.747	-18.580.440	-17.076.911	318.307	98,3%
	III. TRANSAKCIJE U STALNIM SREDSTVIMA	-	-	-	-	-
1.	Primici od prodaje stalnih sredstava	-	-	-	-	-
	Primici od prodaje stalnih sredstava	-	-	-	-	-
	Primici od prodaje federalnih robnih rezervi	-	-	-	-	-
	Ostali kapitalni primici	-	-	-	-	-
2.	Izdaci za nabavku stalnih sredstava	150.000	146.322	55.711	-3.678	97,5%
	Nabavka zemljišta, šuma i višegodišnjih zasada	-	-	-	-	-
	Nabavka građevina	-	-	-	-	-
	Nabavka opreme	150.000	146.322	55.711	-3.678	97,5%
	Nabavka ostalih stalnih sredstava	-	-	-	-	-
	Nabavka stalnih sredstava u obliku prava	-	-	-	-	-
	Rekonstrukcija i investiciono održavanje	-	-	-	-	-
	NETO NABAVKA STALNIH SREDSTAVA (2.-1.)	150.000	146.322	55.711	-3.678	97,5%
	A. NETO POZAJMLJIVANJE (NETO ZADUŽIVANJE) = UKUPAN DEFICIT/SUFICIT (Tekući suficit/deficit – Neto nabavka stalnih sredstava)	-19.048.747	-18.726.762	-17.132.622	321.985	98,3%
	IV. TRANSAKCIJE U FINANSIJSKOJ IMOVINI	-	-	-	-	-
1.	Primici od finansijske imovine	-	-	-	-	-

	Primljene otplate od pozajmljivanja drugim nivoima vlasti	-	-	-	-	-
	Primljene otplate od pozajmljivanja pojedincima i neprofitnim organizacijama	-	-	-	-	-
	Primljene otplate od pozajmljivanja javnim preduzećima	-	-	-	-	-
	Primitak sredstava po osnovu učešća u dionicama javnih preduzeća	-	-	-	-	-
	Primitak sredstava po osnovu učešća u dionicama privatnih preduzeća i u zajedničkim ulaganjima	-	-	-	-	-
	Primljene otplate od ostalih vidova domaćeg pozajmljivanja	-	-	-	-	-
	Primljene otplate od pozajmljivanja u inostranstvo	-	-	-	-	-
2.	Izdaci za finansijsku imovinu	-	-	-	-	-
	Pozajmljivanje drugim nivoima vlasti	-	-	-	-	-
	Pozajmljivanje pojedincima, neprofitnim organizacijama i privatnim preduzećima	-	-	-	-	-
	Pozajmljivanje javnim preduzećima	-	-	-	-	-
	Izdaci za kupovinu dionica javnih preduzeća	-	-	-	-	-
	Izdaci za kupovinu dionica privatnih preduzeća i učešće u zajedničkim ulaganjima	-	-	-	-	-
	Ostala domaća pozajmljivanja	-	-	-	-	-
	Pozajmljivanje u inostranstvo	-	-	-	-	-
	B. NETO POVEĆANJE (SMANJENJE) FINANSIJSKE IMOVINE (1.-2.)	-	-	-	-	-
	V. TRANSAKCIJE U FINANSIJSKIM OBAVEZAMA	-	-	-	-	-
1.	Primici od zaduživanja	-	-	-	-	-
	Primici od dugoročnog zaduživanja	-	-	-	-	-
	Zajmovi primljeni kroz Državu	-	-	-	-	-
	Primici od inostranog zaduživanja	-	-	-	-	-
	Primici od domaćeg zaduživanja	-	-	-	-	-
	Primici od kratkoročnog zaduživanja	-	-	-	-	-
	Zajmovi primljeni kroz Državu	-	-	-	-	-
	Primici od inostranog zaduživanja	-	-	-	-	-
	Primici od domaćeg zaduživanja	-	-	-	-	-
2.	Izdaci za otplate dugova	-	-	-	-	-
	Otplate dugova primljenih kroz Državu	-	-	-	-	-
	Vanjske otplate	-	-	-	-	-
	Otplate domaćeg pozajmljivanja	-	-	-	-	-
	Otplate unutarnjeg duga	-	-	-	-	-
	Otplate duga po izdatim garancijama	-	-	-	-	-
	Otkup duga	-	-	-	-	-
	C. NETO ZADUŽIVANJE (NETO OTPLATE DUGOVA) (1.-2.)	-	-	-	-	-
	UKUPAN FINANSIJSKI REZULTAT (A+B+C)	-19.048.747	-18.726.762	-17.132.622	321.985	98,3%

Rukovodstvo je Godišnji izvještaj o izvršenju budžeta za 2016. godinu odobrilo u februaru 2017. godine.

Glavni zapovjednik Sudske policije FBiH
Edin Vehabović

Bilans stanja na dan 31.12.2016. godine			
Naziv institucije: Sudska policija FBiH			
Opis	31.12.2016.g.	31.12.2015.g.	Procenat (2/3)x100
1	2	3	4
I AKTIVA			
A. Gotovina, kratkoročna potraživanja, razgraničenja i zalihe (1+...+8)	2.633.347	2.470.627	106,6%
1.Novčana sredstva i plemeniti metali	1.063	120	885,8%
2.Vrijednosni papiri	-	-	-
3.Kratkoročna potraživanja	84.390	73.223	115,3%
4.Kratkoročni plasmani	899.510	899.510	100,0%
5.Finansijski i obračunski odnosi s drugim povezanim jedinicama	1.598.361	1.448.718	110,3%
6.Zalihe materijala i robe	-	-	-
7.Zalihe sitnog inventara	-	-	-
8.Kratkoročna razgraničenja	50.023	49.056	102,0%
B. Stalna sredstva (11+14+17+18)	843.316	1.043.035	80,9%
9. Stalna sredstva	9.621.320	9.561.535	100,6%
10.Ispravka vrijednosti stalnih sredstava	8.778.004	8.518.500	103,0%
11.Neotpisana vrijednost stalnih sredstava (9-10)	843.316	1.043.035	80,9%
12.Dugoročni plasmani	-	-	-
13.Ispravka vrijednosti dugoročnih plasmana	-	-	-
14.Neotpisana vrijednost dugoročnih plasmana (12-13)	-	-	-
15.Vrijednosni papiri	-	-	-
16.Ispravka vrijednosti vrijednosnih papira	-	-	-
17.Neotpisana vrijednost vrijednosnih papira (15-16)	-	-	-
18.Dugoročna razgraničenja	-	-	-
UKUPNO AKTIVA (A+B)	3.476.663	3.513.662	98,9%
II PASIVA			
C. Kratkoročne obaveze i razgraničenja (19+...+24)	1.733.837	1.571.117	110,4%
19.Kratkoročne tekuće obaveze	390.364	193.348	201,9%
20.Obaveze po osnovu vrijednosnih papira	-	-	-
21.Kratkoročni krediti i zajmovi	-	-	-
22.Obaveze prema zaposlenicima	1.329.782	1.364.078	97,5%
23.Finansijski i obračunski odnosi s drugim povezanim jedinicama	-	-	-
24.Kratkoročna razgraničenja	13.691	13.691	100,0%
D. Dugoročne obaveze i razgraničenja (25+26+27)	-	-	-
25.Dugoročni krediti i zajmovi	-	-	-
26.Ostale dugoročne obaveze	-	-	-
27.Dugoročna razgraničenja	-	-	-
E. Izvori stalnih sredstava (28+29+30+31-32)	1.742.826	1.942.545	89,7%
28.Izvori stalnih sredstava	843.316	1.043.035	80,9%
29.Ostali izvori sredstava	-	-	-
30.Izvori sredstava rezervi	-	-	-
31.Neraspoređeni višak prihoda nad rashodima	899.510	899.510	100,0%
32.Neraspoređeni višak rashoda nad приходima	-	-	-
UKUPNO PASIVA (C+D+E)	3.476.663	3.513.662	98,9%

Na poziciji „Finansijski i obračunski odnosi s drugim povezanim jedinicama“ u skladu sa propisima za budžetske korisnike koji nemaju transakcijske račune iskazuje se razlika Aktive i Pasive.

Rukovodstvo je Bilans stanja na dan 31.12.2016. godine odobrilo u februaru 2017. godine.

Glavni zapovjednik Sudske policije FBiH
Edin Vehabović

